

09.09.2022թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ  
ՈՐՈՇՈՒՄ թիվ 498389/09

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 30036 գործը և ուսումնասիրելով վարչական իրավախախտման վերաբերյալ 05.09.2022 թվականի թիվ արձանագրությունը,

ՊԱՐԶԵՑԻ

«ԿԱՅԱՐԱՆ» ԲԱՐԵԳՈՐԾԱԿԱՆ» ՀԿ-ի (ՀՎՀՀ՝ 02226809, հասցե՝ ք. Երևան, Նոր Նորք, Ավան 4 փող. 4 նրբ. 2) նախագահ Աշոտ Եղիազարյանը համաձայն «Հասարակական կազմակերպությունների մասին» ՀՀ օրենքի 24-րդ հոդվածի թերի է հրապարակել հասարակական կազմակերպության 2021 թվականի գործունեության մասին հաշվետվությունը, մասնավորապես Հաշվետվությունը չէր կարող հաստատվել հաշվետու տարվա ընթացքում գործադիր մարմնի կողմից 24.05.2021թ-ի որոշմամբ: Հաշվետվության 3-րդ կետում լրացված կանոնադրությամբ սահմանված գործունեության առարկայի և նպատակի վերաբերյալ տվյալները ներկայացված են մասնակի, ինչի համար համաձայն Վարչական իրավախախտումների վերաբերյալ ՀՀ օրենսգրքի 169.26 հոդվածի 1-ին մասով հարուցվել է վարչական վարույթ:

Կողմին հայտնաբերելու նպատակով ձեռնարկվել են համապատասխան միջոցառումներ: Գործում առկա չէ առարկություն կամ բացատրություն:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ «ԿԱՅԱՐԱՆ» ԲԱՐԵԳՈՐԾԱԿԱՆ» ՀԿ-ի նախագահ Աշոտ Եղիազարյանի կողմից 05.09.2022թ.-ին հրապարակվել է 2021թ-ի գործունեության մասին ճշգրտված հաշվետվությունը:

Հաշվի առնելով այն փաստը, որ 09.09.2022թ.-ի դրությամբ «ԿԱՅԱՐԱՆ» ԲԱՐԵԳՈՐԾԱԿԱՆ» ՀԿ-ի նախագահ Աշոտ Եղիազարյանի կողմից հրապարակվել է ճշգրտված հաշվետվությունը, ուստի արարքն ունի նվազ նշանակություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244<sup>2</sup>, 281 հոդվածներով և 282 հոդվածի 1-ին մասի 2-րդ կետով,

ՈՐՈՇԵՑԻ

- Աշոտ Եղիազարյանին ազատել վարչական պատասխանատվությունից և հայտարարել բանավոր դիտողություն:
- Աշոտ Եղիազարյանի վերաբերյալ հարուցված թիվ \_\_\_\_\_ վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: